



BASES ESPECÍFICAS QUE REXERÁN, XUNTO CAS BASES XERAIS A CONVOCATORIA DO PROCESO SELECTIVO DO PERSOAL MONITOR DO OBRADOIRO DUAL DE EMPREGO “CUMES TERRA CHA IX”, DO QUE É PROMOTOR O CONCELLO DE RÁBADE.

1. OBXECTO DAS PRESENTES BASES

É obxecto das presentes bases específicas complementar o procedemento xeral de selección establecido nas bases xerais que regulan os procesos selectivos de **persoal monitor** do Obradoiro Dual de Emprego “Cumes Terra Cha IX”.

2. POSTO QUE SE CONVOCA:

Nº POSTOS	DENOMINACIÓN POSTO DE TRABALLO
2	Persoal monitor

1 docente especialidade: EOCB0211 Pavimentos e albanelaría de urbanización.

1 docente especialidade: EOCB0108 Fabricas de albanelaría.

3. CARACTERÍSTICAS DO CONTRATO DE TRABALLO

Os contratos de traballo que subscribirá a entidade promotora coas persoas candidatas seleccionadas terán unha duración de 9 meses, e serán a tempo completo.

Non se poderá formalizar a súa contratación con anterioridade a que as persoas sexan validadas polo persoal técnico da dirección territorial.

As persoas que resulten seleccionadas estarán sometidas ó réxime de incompatibilidades que determina a lexislación vixente, debendo permanecer no obradoiro de emprego durante a xornada de traballo.

As persoas seleccionadas non se considerarán incluídas nos correspondentes cadros de persoal ou relacións de postos de traballo, e consecuentemente, non será precisa oferta de emprego pública previa.

4. COMETIDO FUNCIONAL

- Desenvolverán a súa actividade educativa, para o adecuado desenvolvemento dos programas formativos, dentro dun marco pedagóxico e didáctico que permita ás persoas alumnas traballadoras obter o maior beneficio, de acordo coas directrices do proxecto do obradoiro de emprego.
- Tomar as medidas necesarias para que se cumpra o estipulado na normativa vixente sobre Seguridade e Saúde no traballo.
- Serán os responsables de impartir o ensino teórico-práctico correspondente á especialidade formativa que van impartir, e da aprendizaxe das persoas alumnas.
- Colaborarán co director/a na realización da programación (de conformidade co disposto no certificado profesional) e nas probas de avaliación periódicas, así como na planificación das tarefas produtivas, e serán os responsables do





cumprimento dos obxectivos propostos.

- Serán os responsables do control de asistencia e produtividade das persoas alumnas traballadoras do obradoiro, debendo facilitar de forma obrigatoria semanalmente os partes diarios de traballo de cada traballador/a participante, o control de asistencia correspondente ó mencionado período.
- Elaborarán nas datas e forma que o director/a lles fixe, unha lista global das necesidades de materiais, maquinaria, ferramentas, medios auxiliares, etc., necesarios para o normal desenvolvemento da actividade.
- Realizarán o control de recepción dos pedidos, realizando listas periódicas, datadas, numeradas e debidamente detalladas dos mesmos e custodiarán os albaráns ata a súa entrega á dirección do obradoiro de emprego.
- Colaborarán coa dirección nos labores de titoría das persoas alumnas traballadoras, comunicando a esta as incidencias que ocorran no obradoiro.
- Serán os responsables da custodia, mantemento e conservación dos materiais, maquinaria e ferramentas propios do seu obradoiro, así como doutros de carácter xeral que lle sexan encargados pola dirección do obradoiro de emprego. Trimestralmente, a petición da dirección, realizarán un inventario dos medios do obradoiro, no prazo e forma que se exixa.
- Serán os encargados de organizar os diferentes labores dos grupos de traballo, respondendo da execución das tarefas produtivas a realizar polo seu obradoiro. Realizarán aqueles traballos xerais e inclusive os que supoñan un especial empeño e delicadeza, que lle sexan encomendados pola dirección na execución das tarefas produtivas do obradoiro de emprego.
- Fomentarán e participarán activamente en tódalas iniciativas de creación de emprego.
- Serán responsables directos nos aspectos prácticos - produtivos das persoas alumnas traballadoras que estean o seu cargo, en especial no relativo á Seguridade e Saúde no traballo.
- Encargarase, se a Dirección o considera necesario, da supervisión das obras.
- Contribuirán á orientación profesional e laboral do alumnado traballador.

5. REQUISITOS DAS PERSOAS ASPIRANTES

5.1 Titulación académica (complemento da base xeral 4 apartado e)

Os monitores/as seleccionados/as deberán cumprir co establecido no artigo 168 do RD 659/2023, do 18 de xullo de 2023 polo que se desenvolve a ordenación do Sistema de Formación Profesional (BOE do 22.07.2023) relativo ao persoal formador para impartir ofertas de formación profesional en centros do Sistema de Formación Profesional non incorporados ao sistema educativo (Certificado de Profesionalidade de Habilidade para a Docencia).

Este cumprimento implica que os docentes deben reunir UN dos seguintes requisitos:

- Estar en posesión dunha das seguintes titulacións: grao universitario, Licenciado ou Licenciada, Enxeñeiro ou Enxeñeira e Arquitecto ou Arquitecta, ou titulación equivalente ou,





no seu caso, a titulación de Formación Profesional que, a efectos de docencia, se determine, de acordo coa normativa que regule cada certificado profesional. En todo caso, esixirase que as titulacións citadas incorporen nos seus plans de estudo contidos vinculados cos resultados de aprendizaxe da formación a impartir. Ademais, deben dispoñer do Certificado Profesional de habilitación para a docencia, salvo que se acollan a algunha das excepcións dispostas no artigo 168.5 do citado Real decreto.

- Pertencer ás especialidades docentes habilitadas para impartir formación profesional no sistema educativo.
- Ter experiencia profesional de, ao menos, 4 anos axustada aos estándares de competencia ou elementos de competencia asociados aos módulos profesionais ou bloques formativos a impartir e dispoñer do Certificado Profesional de habilitación para a docencia, salvo que se acollan a algunha das excepcións dispostas no artigo 168.5 do citado Real decreto.

Non será esixible como requisito imprescindible senón como mérito a experiencia profesional aos formadores e formadoras para impartir docencia nos certificados de profesionalidade regulados con anterioridade á entrada en vigor do RD 659/2023, cando contén coa acreditación ou titulación requirida que figura en cada un dos reais decretos polos que se establece cada Certificado de profesionalidade.

5.2 Nivel de galego (complemento da base xeral 4 apartado f): CELGA 4 ou equivalente.

5.3 Outros requisitos específicos.

Carné de conducir tipo B.

6. SISTEMA DE SELECCIÓN

A articulación do proceso de selección está recollida na base xeral 8.

